

جریدہ علیمیہ

مشیت جلیلہ، اسلامیہ نمک، جریدہ، رسمیه سید

غرہ شعبان سنہ ۱۳۳۲

عدو : ۶

آبدہ بر نشر اولنور

برنجی سنہ

سادساً مدعی؛ مذکور خانوده والده سنك ثمن حصه ارثیه سی بولندینی بیانیه بوندن حصه ارثیه طلب ودعوی ایتدیکی حالده اخیرا مذکور ثمن حصه سی «والده مدن صاتون آلد» بولنده کی ادعاسنده تناقض موجود ایکن نظر دفته آلمانمشر .

سابعاً ترکه دن اولوب مدعی علیه طرفدن صالندینی بیان اولنان دكانك ثمنندن مدعیه یه افراز اولنان حصه ده سهو بولتمشدر .

ثامناً مدعیه نك لام برادرندن والده سنه اموال معلومه دن ثلث حصه اصابت ایتدیکی بیان اولنیورسده اعلامده محکی بولنان ورثیه کوره لام برادرندن والده سنه ثلث حصه اصابت ایتمه سی لازم کلوردی . بناء علیه اعلام خطیآت ایله مالی ومالی مشوش و صك وسبکی مختل بولنقله یکیدن اجرای محاکمه وتوقيع حکم ایدلک ایجاب ایدر .

*
* *

«فتواخانه مالی دن نقض اولنان بارطین قاضیلکنك ۲۴ رجب سنه ۱۳۳۲ تاریخلی اعلامنك اسباب نقضیه سی»

مدعی خطیب اقدی یه ایفای خدمت ایتدیکی و بناء علیه وظیفه یه مستحق بولندینی بولنده دعواسی تصحیح ایتدیرلما مشدر . چونکه مجرد خطابت عهده سنده بولنقله خطیب وظیفه سنه مستحق اوله ماز . مدعی طرفدن سرد اولنان مدعیات مدعی علیه جانبندن اعتراف اولنمشیکن مدعی علیه یمین ویرلمسك سبی و یمین هانکی خصوصه ونه صورتله ویرلمش بولندینی کوسترلما مشدر . مدعی علیه طرفدن سویلنان سوزلرك جمله سی دفع شرعیدن معدود اولمادینی حالده تفریق ایدلکسزین هیئت عمومیه سی دفع کبی کوستریله رك هیئت مجموعه سی اعتباریله مدعی یه یمین ویرلمش و یمینك صورتی کوسترلما مشدر .

تبلغات عمومی

«ملکیه مفتشلرینك دائرة تفتیشلری داخلنده بولنان مأمورلره اصول ونظامی دائرة سنده وقوع بولمق مراجعتارنده بو بایده کی تعلیمات احکامنه توفیق معامله اولنسی حقنده»

ولایاتده ایفای وظیفه ایدن ملکیه مفتشلرینك دائرة تفتیشلری داخلنده بولنان وداخلیه نظارتیه مربوط اولیان مأمورینه حسب الزوم مراجعتارنده استحصال معلومات خصوصنده دوچار مشکلات اولدقلری وقوع بولان اشعاراتدن اکلشلا دیغندن ومفتشلرك ساحه تفتیشنی توسیع وتدقیقاتی توثیق ایچون لزوم کوردکلری معلوماتی بالعموم دوائر رسمیّه حکومتدن طلب ایدم جکلری اولبایده کی تعلیماتک اون النجی ماده سی احکامی اقتضاسندن بولندیغندن بحثله مفتشلر طرفدن مأمورین مومی الیهمه اصول ونظام دائرة سنده

مراجعت و قوعنده احكام مذكوره به توفيق حركت ايللاری لزومك تبليغي داخله نظارت جليله سندن انبا و دوائر تبليغات ايفا اولنديني بيانيله اقتضاسنك ايفاسي حقنده وارد اولان تذكرة ساميه اوزرينه كيفيت تعميماً قضاة كرامه اشعار قلنمش اولغله طرف فاضلانلرندن دخي اكا كوره معامله لازمه اجرا ونسخ ملفوفه نك ملحقات قضاتنه اسراسنه همت اولنمسي سياقنده شقه محي ترقيم قلندي .

۶ جمادی الاخره سنه ۱۳۳۲ و ۱۷ نيسان سنه ۱۳۳۰

*

* *

« بطريقخانه لرحه علم و خبر اعطاسندن امتناع اولنان وراثت دعوالرينكده بر نهج شرعي فصل وحسمي ضروري بولنديني حقنده »

ارمني جماعته عائد امتيازات مذهبيه ي تأييداً ۲۱ شعبان ۱۳۰۸ تاريخنده بااراده سنه اتخاذا و تبليغ اولنان مقرارتك بر فقره سنده « محاكم شرعيه جه رؤيت اولنان وراثت دعوالزنده ارباب ميراثك بطريقخانه لردن استعلامي من القديم جاري اصولدن اولديني كجي بعدازين دخي بواصوله رعايت اولنمسي » لزومي كوسترلش ايسهده وراثت دعوالرينك بطريقخانه لردن علم و خبر ابراز اولنماقجه استماع ايدله مسنه دائر بر قيد و معامله موجود اولماسنه و بطريقخانه جه وراثت علم و خبري اعطاسندن امتناع ايدلايكي تقديرده ارباب ميراثك سائر اسباب ثبوتيه ايله تعييني مانع بر صراحتده تصادف ايديله مه مسنه بناءً بو صورته امتناع حالنده ارباب ميراثك منسوب اولدقلى اختيار هيئتلرندن استحصال و ابراز ايدم جكلى علم و خبر اوزرينه و انلرك دخي استكافي صورتنده مهما امكن تحقيقات خارجيه اجراسندن صكره شهادت موثوقيه بالابتنا وراثت دعوالرينك بر نهج شرعي فصل و حسمي ضروري بولندينك شوراي دولت تنظيمات دائره سندن تنظيم قلنان مضبطه ده بيان ايدلايكي وارد اولان ۲۳ جمادی الاولى ۱۳۳۲ تاريخلى ويكرمي بش خصوصى عددلى تذكرة ساميه ده ازار ايدلمش و كيفيت تعميماً قضاة كرامه اشعار قلنمش اولغله طرف فاضلانلرندن دخي اكا كوره اقتضاسنك ايفا ونسخ ملفوفه نك ملحقات قضاتنه اسراسنه همت اولنمسي سياقنده شقه محي ترقيم قلندي .

۱۳ جمادی الاخره ۱۳۳۲ و ۲۶ نيسان ۱۳۳۰

*

* *

« اعلامات شرعيه ده درجه و كالتك تصریح قلنمشنك اصول اتخاذاي حقنده »

محاكم ابتدائيه جه طرفين و كيللری حضوريله رؤيت و فصل ايديلان دعاويدم و كالترك

درجه شمولی اعلامات ابتدائیه ده تصریح ایدلیه رك يالكز وکیل مسجل شرعیسی
تعییریه اکتفا ایدلکده و عندالاستیناف درجه شمول وکالت محتاج تدقیق اوله رق طرفیندن
و کالت مختلری و یا صورت مصدقه لرینک ابرازی طلب اولنقده و بوصورت انواع
تأخراته و اصحاب دعاوی به مصارف زائده تحمیلنی انتاج ایلکده اولدیغندن بعد ازیں
محاکم ابتدائیه دن تنظیم قلمه حق اعلاماتده درجه وکالتک تصریح قلمسنگ اصول اتخاذه
خصوصنک درسعادت محاکم شرعیه سینه تعمیماً اشعاری قاضی عسکر لکدن افاده اوله رق
ایجابی اجرا ایدلش اولغله طرف شریف لرندن دخی اکا کوره ایفای مقتضاسنه همت
اولنسی سیاقده
رجب سنه ۱۳۳۲ مایس سنه ۱۳۳۰

*
**

« مقامدن سؤال ایدلکجه قضالره مدرس تعیین ایدلامسی حقنده »

منحل قضا مدرسلکری ایله صورت انحلال لرینی مین برقطعه جدولک سریعاً تنظیم
وارسالی و بعد ازیں انحلال ایدمک مدرسلکله مقام خلوصوریدن سؤال ایدلکسزین
کسه نك تعیین ایدلامسی لزومنک ولایه عظام والویه غیر ملحقه متصرفین کرامنه تعمیماً
اشعاری مأمورین قلمی مدیریتدن افاده اوله رق ایجابی اجرا ایدلش اولغله طرف عالی لرندن
دخی اول وجهله اقتضاسنک ایفاسنه همت بیورلسی سیاقنده شقه ترقیم قلندی اقدم
۲۹ جاذی الآخر سنه ۱۳۳۲ ۱۱ مایس سنه ۱۳۳۰

*
**

« دوائر و اماکن امیریه مربوطاتنک بلابل بشقه برطرفه ترك و تخصیص ایدلامسی حقنده »

دوائر و اماکن امیریه مربوطاتندن بولنان بعض مبانی و اراضینک قسماً و یا تماماً
بعض شرکت و مؤسسات طرفندن اشغالنه دوائر متعلقه سنجه مساعدده ایدلکده اولدیغنی
سبق ایدن مخبر اتدن اکلاشلدیغندن و اماکن و اراضی امیریه دن بولنان یرلرک بلابل
بشقه برجهته ترك و تخصیصی بودجه قانونیه غیر قابل تألیف بولندیغنی کبی منفعت خزینیه ده
مغایر اوله جغندن بعد ما بو کبی اراضی و مبانیدن اشغال و استعمال لرینه لزوم کورلمه ینلرک
هر نه صورتله اولورسه اولسون بلابل بشقه برطرفه ترك و تخصیص ایدلیه رك علی الاصول
ایجار و یافروخت اولنق اوزره جهت مالیه ده دور و تودییی خصوصنک مأمورین عائدنه سنه
تبلیغنه دائر مالیه نظارت جلیله سمندن وارد اولان تذکره اوزرینه کیفیت تعمیماً قضاء

گرامه اشعار ایدلش اولغله طرف فاضلانله لرندن دخی اکا کوره ایجابنک ایفا ونسخ
ملفوفه نك ملحقات قضاتنه اسراسنه همت ایللری سیاقنده شقه محبی ترقیم قلندی
۶ رجب سنه ۱۳۳۲ ۱۹ مایس سنه ۱۳۳۰

*

« مستدعیات تمیزیه نك رأسا فتواخانه عالییه ویا حکمی ویرن محکمه لره اعطا ایتدیرلسی وصایاسنه دائر »
اعلامات وحجج شرعیه نك تمیزی حقدنه کی استدعالرك حکمی ویرن محکمه یه اعطا
اولنه بیله جکی کبی طوغریدن طوغری یه فتواخانه عالییه ده تقدیم ایدیله جکی موقع مرعته
وضعی ۸ جمادی الاخره سنه ۱۳۳۲ تاریخنده اراده سینه حضرت خلافتناهی یه اقراران
ایابن مواد نظامیه نك بشنچی ماده سنده مصرح اولدینی حالده بعض طرفلرجه بوبابده کی
استدعالرك کافی السابق مأمورین ملکیه یه اعطا ویا مقام محبی یه اسرا قلمقده اولدینی
کورلدیکندن وبو حال ماده مذکوره نك حکمت وضعی اولان سرعت وسهولته غیرقابل
تألیف اولغله برابر حکم نظامه ده مغایر بولندیغندن ماده نظامیه مذکوره حکمنک
تمامی تطبیقی امرنده ایجاب حالک اجراسنه ونسخ ملفوفه نك ملحقات قضاتنه ارسالنه
همت ایللری سیاقنده شقه محبی ترقیم قلندی .

۱۳ رجب سنه ۱۳۳۲ ۲۶ مایس سنه ۱۳۳۰

*

« قاصرلر علیه صدر ایدن اعلامات حقدنه اولیا و اوصیا چاتیندن بلا تأخیر طرق قانونیه یه لزوم توسله دائر »
متوفی خالد رئیس ایتمی علیه صادر اولوب مدت قانونیه نك مروریله کسب قطعیت
ایدن اعلام نظامی موجبجه ایتمک صندوقده موجود حصه ارثیه لری دائرة اجرادن
حجز وطلب ایدلدیکندن مجتله استیدانی حاوی بارطین قاضیلغندن چکیلان تلغرافنامه
اوزرینه بالمخابره عدلیه نظارت جلیله سندن آلتان تذکره و جلب ایدیلا ن مذکور اعلام
وتفرعاتندن کذران مدتله اکتساب قطعیت ایتدیکی آکلاشیلان اعلامک انفاذی ضروری
کوریلهرک محله اعاده اولمش واولیا و اوصیانک عدم تقید واهتماملرندن دولایی بو قیل
اعلاماتک کذران مدتله اکتساب قطعیت ایتلرینه وایتام وقاصرینک بویوزدن مغدوریتلرینه
محل قالمق اوزره تحت ولایت ووصایتلرنده بولان ایتام وقاصرین علیه صادر اوله جق
اعلامات حقارنده اسباب موجبیه یی محتوی لایحه لر ایله بلاتأخیر درجات محاکمه مراجعت
وتعقیب مدافعه ایللری لزوم ووجوبنک وعکسی حالده مسئولیتلری مقرر بولندیغنک
اولیا و اوصیا یه تبلیغی خصوصنک قضاة گرامه تعمیماً اشعاری مجلس تدقیقات شرعیه دن

اِزاده اولنه رقی ایجابی اجرا ایدلش اولغله طرف فاضلانله لرندن دخی اولو جهله اقتضاسنک ایفا ونسوخ ملفوفه نك ماحقات قضائه اسراسنه همت اولنسی سیاقنده شقه محبی ترقیم قلندی .

۱۳ رجب سنه ۱۳۳۲ ۲۶ مایس سنه ۱۳۳۰

”ذاکر علی“

« اعلامات شرعیه نك نسخ ثانیه لرندن آلنه حق خرجه دائر »

محاکم شرعیه دن صادر اولوب محکوم علیه تبلیغ ایدیلجه جك اعلام صورتندن اعلامات شرعیه نك تمیز واستینافی حقنده کی تعایات سنه نك دردنجی ماده سی موجبجه بر مجیدیه خرج آلنه جفی کی آندن صکره ورثه نك ویا محکوم علیه ک تعددی حسیله تبلیغ ایدیلجه جك صورتلردن دخی کذلک برر مجیدیه خرج آلنه جفی فقط کرك محکوم علیه وکرك محکوم له طرفلرندن طلب وقوعنده ویریلجه جك نسخه ثانیه لرندن خرج نظامنامه سنک الی برنجی ماده سنه توفیقاً اعلانک اصلندن النان خرجک ربی آلنق اقتضا ایده جکنک شورای علمیه افاده سیله اشعارینه مبادرت قلندی .

*
* *
« رؤس امتحانه دائر »

نام کالات اساملری عالم اسلامیتک بحق مدار اقتضاری اولان اعظم علمای اسلامیه دن بر چوقلرینک مکسب علم و عرفانی بولنان مدارس علمیه نك پرتو فیوضاته مع التأسف عارض اولان ظل انکسافی ازاله یه غیرت وجیه ذمت اولوب بو باده عنایت جلیله صمدانیه استاداً تشبث ایدیلان تدایر صره سنده صرف مزید همتله اکتساب معرفت ایلین ارباب فضل واستعدادک مکتسبات علمیه لرینی حقیله اظهار ایلیه بیاملرینی وشو صورتله اهلیت وفضیلتلری تظاهر ایده جک اصحاب اقتدارک مساعی مصروفه لرندن کندیلرینک مستفید ومکتسبات متبینه لرندن طلبه علومک مستفیض اوله بیلملرینی تامین ایچون شکل مستحسن اولینی غائب ایلهرک صفحات عدیده یه کیرن وصور اخیره سی غایه مطلوبه یی استحصاله غیر مساعد بولنان رؤس امتحانلرینک اساس متین اصل سیله متناسب بر حال کاله افراغی دوشونلش و انشاءالله تعالی ۱۳۳۳ سنه سی محرمنده وضع قدیمی دائره سنده وبرهیئت علمیه عالییه حضورنده غایت جدی رؤس امتحانی اجرایی مصمم بولنشدرد . علوم آله وعالیه تحصیلنه اقدام تام ایله اخذ اجازت ایلش بولنان طلبه علوم ایچون ابراز کاله مدار اوله جق اولان و مسابقینه مطولدن مقدار کافی عباره بالارائه دائره مشیخته بر محل مخصوصده تتبع ایچون بر مدت تعیین ایدیلوب ختامنده سالف الذکر